

WARGEYSKA

Saddex bile ka faalloodaa arrimaha  
jaaliyadda Soomaalida Netherlands

FSAN

CADADKA & DAABACAADA 21AAD | 15 OCTOBER 2021






## TUSMADA

<b>Sidee buu u dhacay go'aanka maxkamada ICI ee muranka badda Soomaaliya iyo Kenya .....</b>	<b>3</b>
<b>EU NAVFOR oo la kulmay jaaliyadda Soomaalida Netherlands.....</b>	<b>4</b>
<b>SSHO oo furtay xarun cusub oo yeelanayan jaaliyada Soomaalida Haarlem .....</b>	<b>5</b>
<b>Tababar aqoon kobcin oo la siiyey wacyigeliyayaal .....</b>	<b>6</b>
<b>Waxqabadka ururka KARDO AID.....</b>	<b>6</b>
<b>Orodyahanka Abdi Nageeye oo soo dhoweyn loogu sameeyey Nijmegen .....</b>	<b>7</b>
<b>Buug-yaraha ka hortaga gudniinka gabdhaha (Verklaring tegen meisjesbesnijdenis) .....</b>	<b>8</b>
<b>FSAN oo sameysay Ra'yi aruurin ku saabsan talaalka COVID-19.....</b>	<b>8</b>

## Sidee buu u dhacay go'aanka maxkamada ICJ ee muranka badda Soomaaliya iyo Kenya



Dallada FSAN ayaa 12-kii Bishan Oktoober waxay magaalada Den Haag ee dalka Netherlands ku qabatay munaasabad ballaaran oo lagu taageerayey go'aankii ay maxkamada caalamka ee ICJ ay Somalia ugu xukmisay xariiqaa baddeeda ka dib muran muddo badan kala dhexeeye Kenya.

Munaasabadan oo la qabtay saacado ka dib xukunki maxkamada ayaa waxaa ka soo qeyb galay wafdigaa dowlada Federaalka u matalayey dhageysiga go'aanka maxkamada, iyadoo sidoo kale ay halkaasi tageen jaaliyadda Soomaaliyeed qeybaheeda kala duwan ee ku dhaqan dalkan Netherlands iyo qaar kale oo ka socda wadamada deriska ah gaar ahaan Belgiumka iyo Germalka..

Guddoomiyaha dallada FSAN Ali Ware oo ugu horeyn halkaasi ka hadlay ayaa waxa uu sheegay in jaaliyadda Soomaalida Netherlands ay aad ugu farxsan yihiin inay garab istaagaan arrimaha quseeya danaha guud ee dalkooda Soomaaliya.

"Waxaan uga mahad celinayaajaa jaaliyadda Soomaaliyeed ee dalkan sida ay mar walba heeganka ugu yihiin inay taageeraan wax kasta oo ka shaqeenaya danaha dalka, weliba marka ay arrimaha ay taagan yihiin heer qaran." ayuu yiri Ali Ware.

Sidoo waxaa madasha si kooban uga hadlay wafdigaa dowlada federaalka Soomaalida oo uu hogaaminayey ra'iisal wasaare ku xigeenka Soomaaliya mudane Mahdi Guuleyd waxayna uga mahad celiyeen jaaliyadda Soomaalida ee Holland mudadii 7da sanno ah ee ay taageerayeen sidii guul looga gaari lahaa dooda muranka badda ee Soomaaliya kala dhaxeysa Kenya.

Wafdigaa waxay sheegeen in ka dowlad ahaan ay ku qanacsan yihiin natijada xukanka maxkamada, inkastoo Soomaalida qaar ee ka soo qeybgashay munaasabadda ay sheegeen inay weli saluugsan yihiin sida uu u dhacay go'aanka maxkamada oo qeyb ka mida badda Soomaaliya u ogolaatay Kenya, taasoo lagu macneeyey xalka muranka muddada dheer soo taagnaa.

"Waxaa qabaa in uu ahaa xukun xaq ah, doodihii Soomaaliyana dhamaanteed ay maxkamadda xukuntay, geedi socod ayuu soo maray oo socday muddo toddobo sano ah mudadaas Soomaali waa soo halgantay oo waxaa galay dadaal badan oo naf iyo maal leh," ayuu yiri Mahdi Guuleed. "Maxkamadda cadaalada adduunka oo dunida dhan aqoonsan-tahay, waxay qirtay soohdinta badeed ee leedahay Soomaaliya iyo Kenya ay cadahay, waana aqlabiyyada wixii lagu murmay oo badankeeda loo xukumay Soomaaliya." Ayuu yiri mudane Guuleyd



## EU NAVFOR oo la kulmay jaaliyadda Soomaalida Netherlands



Saraakiil ka tirsan howlgalka la dagaalanka burcad badeedka ee xeebaha Somalia ee Midowga Yurub (EU NAVFOR) ayaa 2-dii Bishan October kulan saacado badan qaatay la yeeshay xubno ka mida jaaliyadda Soomaalida dalka Netherlands, iyagoo uga warbixiyey howlaha ay ka hayaan biyaha Soomaaliya oo marin muhiima u ah maraakiibta ganacsiga aduunka.

Kulankan oo ka dhacay magaalada Amsterdam, ayna soo qaban qaabisay dallada FSAN waxaa ka soo qeyb galay shaqsiyaad iyo madaxda qaar ka mida ururada jaaliyadda Soomaalida dalkan Netherlands.

Masuul ka tirsan wafdigii saraakiisha EU NAVFOR ayaa ugu horeyn halkaasi si faahfaahsan uga warbixiyey howlgalada ay ka fuliyaan xeebaha Soomaaliya, sida la dagaalanka burcad badeeda, ilaalinta marinka muhiimka ee maraakiibta ganacsiga aduunka, tababarida ciidamada badda ee maamulada ka jirta Soomaaliya, wada-shaqeynta dowladaha xubnaha ka ah dowlada dhexe ee federaalka Soomaaliya. Waxa kale oo uu sheegay inay wada shaqeyn la leeyihin hay'adaha samafalka ee Q.M

Intii uu kulankaasi socday waxaa jiray doodo furan iyo suaalo ay ka jawaabeen saraakiisha EU NAVFOR, iyadoo Soomaalida kulankaasi ka qeybgashay ay u xiisnayeen inay waxa badan ka ogaadaan waxa ka socda xeebahooda. Saraakiishii ka socotay EU NAVFOR ayaa abaalmarin guddoonsiiyay Guddoomiyaha FSAN Dr.Cali Waare oo isagu soo qabanqaabiyay munaasabada, waxaanna kulankaasi soo xiray Qunsulka safaarada Soomaalida Brussels ee dalka Belguim, H.E Sali Mohamed Abukar (Cali Wolf) isaga oo uga mahadceliyey saraakiisha EU NAVFOR sida ay kaga jawaabeen dhammaan su'aalihii ay qabeen Soomaalida.

Howlgalka EU NAVFOR waxaa la bilaabay sanadkii 2008-dii markaasi oo ay bateen falalka burcad badeedka Soomaalida ay ku afduubanayaan maraakiibta ganacsiga ee isticmaalaya biyaha Soomaaliya.

## SSHO oo furtay xarun cusub oo yeelanayan jaaliyada Soomaalida Haarlem

Ururka Soomaalida magaalada Haarlem iyo nawaaxigeeda (SSHO) ayaa 9-10-2021 laga daahfuray xarun ay yeelanayso jaaliyadda Soomaalida ee nawaaxigaasi degan.

Xarunta oo horey u jirtay, laheydna magaca **Kleine Ringvaart** ayaa daahfurkan maanta loogu bixiyey magac cusub oo la yiraahdo (Schalkwijk Diverse). Waa xarun dadka ay ku kulmi doonaan, kana heli doonaan adeegyada ay u baahan yihiin, sida caawinta, talo-siinta, wacyigelinta iyo shirarka gaarka.



Munaasibada furitaanka xafladan oo si qurux badan loo soo agaasimay, ayaa waxaa ka soo qeyb galay marti Sharaf kala duwan oo uu ugu horeeyo Wethouder ka socda dowlada hoose ee Haarlem iyo wakiilada laga soo doorto degmada.

Sidoo kale waxaa ka soo qeyb galay hay'ado kala duwan oo wadashaqeyn la leh ururka SSSHO, sida guddiga xaafada xaruntan laga furay, ururo dalad ah oo ay ku mideysan yihiin ururada Haarlem, booliska, hayádaha caafimaadka, waxbarashada iyo amniga iyo kuwa ka shaqeeya horumarinta arrimaha bulshada.

Ugu horeyntii waxaa munaasibadaasi furay Mahad Said oo ka mida guddiga jaaliyadda Haarlem, kana hadlay muhiimada ay xaruntan u leedahay bulshada Soomaaliyeed iyo bulshooinka kale ee degan Haarlem iyo isku xirkooda sida ay isula jaanqaadi lahaayeen oo ay wax u wada qabsan lahaayeen.

Intaasi ka dib isna waxaa halkaasi ka hadlay gudoomiyaha dallada FSAN Ali Ware oo sharaxay waxa ay dallada kaga dhigan tahay guud ahaan bulshada Soomaaliyeed ee Netherlands ku nool iyo wada shaqeynta ay la leedahay ururada maxaliga ee ka tirsan dallada.

Waxa uu xusay in ururka SSSHO uu ka mid yahay ururada ugu firfircoo dallada, lana leh wada shaqeyn fiican, muuijyana wax qabadkan muuqda ee maanta goob jooga ka nahay ayuu yiri.

Sidoo kale waxaa madashaasi ka hadlay gudoomiyaha guddiga xaafada laga furay xaruntan Boerhavewijk, sheegayna inay aad ugu faraxsan yihiin xaruntan, soona dhowneeyaan wada shaqeyna ay la yeelan doonaan si loo xoojiyo isku xirkoo bulshooinka kala duwan ee xaafadan.

Waxa kale oo furitaankan hadal ka jeediye guddiga ururka dalada ee isku xira ururada Haarlem (Haarlemse Verbinders), waxa uuna xusay in SSSHO ay ka mid tahay ururada mugga leh ee ka tirsan dalladan maxaliga ah.

Ugu dambeyn waxaa hadalka la siiyey Wethouder-ka Haarlem Marie-Thérèse Meijis oo ka tirsan xisbiga GroenLinks waxa ayna ka hadashay muhiimada ay xarunta u yeelan karto dadka degan xaafadan iyo adeegyada ay ka heli karaan. "Waa meel ay ku kulmaan iskuna xiraya bulshooinka degan halkan" ayuu yiri. "Maamulka magaaladan Haarlem aad ayuu u soo dhowneeyaya xaruntan, waxa uuna diyaar ula yahay wixii wada shaqeyn ah oo dhinacooda ah."

## Tababar aqoon kobcin oo la siiyey wacyigeliyayaal



Ilaa 12 wacyigeliyayaal ah ayaa 7-dii bishii August 2021 ka faa'iideystay tababar ay bixisay dallada FSAN, kaasoo lagu kobcinayey aqoontooda ku saabsan arrimaha maskax-caburka (Stress), laab lakaca (emotional) iyo cabsida (Angst).

Tababarkan waxaa casharo ka bixiyey Dr. Suaad Abdelrahman oo ah dakhtaran Soomaaliyeed gaar ahaan cuduradda dhimarka. Waxay si qoto-dheer u sharaxday caalamadaha lagu garto arrimahan, dhibaatooyinka ka dhasha iyo sida lagula tacaali karo qofka xanuunadan qaba.

Ujeedada tababarkan ayaa ahaa sidii wacyi-geliyayaasha (Sleutelpersonen) ee ka hortaga gudniinka ay wax badan uga fahmi lahaayeen mowduucan, ayna ka hortagaan waxyabaha keeni kara arrimahan oo ugu horaysa ayaga nafahaantooda maadama ay arrimaha gudniinka gabdhaha adagyihiin.

Zahra Naaleye, madaxa arrimaha gender-ka ee FSAN isla markaan tabaraha wacyigeliyasha ayaa ka hadashay waxqabadka mashruuca ka hortaga gudniinka gabadhaha, xaalada guud ee mashruucan. Waxay intaa ku dartay inuu gebogebo yahay mashruucan oo ku ekaa 31-ka bisha August 2021-

Ka qeybgalayaasha tababarkan ayaa ka kala soo jeeday wadamo kala duwan oo kala tirsan Somaaliya, Eritriya, Sudan, Egypt, Irak-koerdish

### Waxqabadka ururka KARDO AID

Guddoomiyaha Ururka Soomaalida ee KARDO  
Abdulkadir Ali Nune ayaa ka warbixiyey wax-Qabadka ururkiisa, isagoo sheegay inay  
Ka howlgalaan gudaha dalkan Netherlands  
Iyo wadamada Somalia, Kenya iyo Ethiopia.



Halkan riix u daawato muuqaalka wareysiga  
Oo dhameystiran



## Orodyahanka Abdi Nageeye oo soo dhoweyn loogu sameeyey Nijmegen

Ururka Soomaalida ee magaalada Nijmegen iyo nawaaxigeeda ee SBIN oo xubin ka ah dallada FSAN ayaa 15-kii August 2021 xaflad taageero ah u sameeyey halyeeyga Soomaaliyed ee Abdi Nageeye ee u orda dalka Netherlands, ka dib markii kaalinta 2aad uu ka galay orodka dheer ee Marathon-ka 2020 ee sanadkan lagu qabtay dalka Japan.

Munaasibada taageerada waxaa ka soo qeyb galay qaar ka mida jaaliyadda Soomaalida, madaxa ururada Soomaalida iyo marti-sharaf kale oo isugu jira taageerayaal iyo dad ay soo wada shaqeyeen.

Xoghayaha SBIN Mohamed Amiin oo ugu horeyn

halkaasi ka hadlay ayaa mahadnaq ka dib waxa uu aad u soo dhoweyey guusha Abdi Nageeye u soo hoyey dalka Netherlands, gaar ahaan Soomaalida, isagoo sheegay Nageeye oo ka mid ahaa dhalinyaradii ururka SBIN.

“Aad baan ugu faraxsanahay guusha Abdi Nageeye, waxayna taasi na tusaysaa in haddii qofka uu dadaalo oo gaari karo hadafkiisa, marka waxaan ku leenahay walaal aad baan kugu faanaynaa.”ayuu yiri Mohamed Amiin.

Waxaa sidoo kale halkaasi ka hadlay Ali Ware, gudoomiyaha dallada FSAN oo isugu sheegay in Abdi Nageeye uu samaayey dadaal lagu faani karo, guulna u ka keenay ciyaarahii Olympic-da. Ware waxa uu sheegay in isagoo ku hadlaya magaca dallada FSAN ay aad u soo dhoweenayaan guusha Nageeye ayna ku faraxsan yihiin kaalinta uu ka galay orodka dheer.

Xaflada taageerada iyo dhiiragelinta isugu jirtay, waxaa kaloo ka hadlay dad ay si fiican isku yaqaaneen oo ay wada degan yihiin magaalada Nijmegen, kuwaasoo ka sheekheyey dadaaladii xooga lahaa ee uu Abdi Nageeye sameeyen jiray, iyo halgankii uu soo galay inuu gaaro kaalinta uu maanta ka galay orodka dheer ee aduunyada.

Abdi Nageeye oo isna ugu dambeyn halkaasi lagu soo dhoweyey cod baahiyaha ayaa mahad celin ka dib waxa uu si kooban uga hadlay wadada dheereed ee u soo maray inuu kaalin fiican ka galo ciyaaraha Olympic-da, isagoo sheegay in sanooyin badan ay ku qaadatay inuu guul la taaban karo ka keeno oradka dheer.



Waxa uu ku booriyey waaladiinta inay caruurtooda ku garab istaagaan waxa ay jecel yihiin inay ka miradhalayaan. Waxa uu si gaar ahaan u xusay in ciyaaraha lagu dhiirageliyo carruurta oo lagu dadaalo sidii ay meel fiican uga gaari lahaayeen.



## Buug-yaraha ka hortaga gudniinka gabdhaha (Verklaring tegen meisjesbesnijdenis)

Wasaarada caafimaadka, sboortiga iyo daryeelka ee dalka Netherlands ayaa dallada FSAN waxay gaarsiisay ilaa 3 kun oo nuqul oo ah dokumenti cadeenaya mamnuucista gudniinka gabdhaha iyo waxyeeladiisa dhinaca caafimaadka.

Dokumentigaan ayaa loogu talagalay in loo qeybiyo qoysaska ka soo jeeda wadamada weli laga isticmaalo gudniinka gabdhaha, si ay u tusaan dadkooda marka ay fasaxa u aadayaan wadamadooda, si loo ogado in gudniinka gabdhaha uu mamnjuuc ka yahay dalka Netherlands, uuna ciqaab xabsi ah muteysanayo qofka sameeya.

Dokomeentiyadan ayaa lagu faafiyey meelaha ay dadka isugu yimaadaan, iyadoo ay qeybintiisa ay si weyn uga qeyb qaateen wacyi-geliyayaasha iyo ururadda bulshada.



In de verklaring staat dat de dochter van betreffende ouders niet besneden is, dat de ouders hun dochter niet zullen laten besnijden, dat ze op de hoogte zijn van de negatieve gevolgen van meisjesbesnijdenis en dat de ouders weten dat meisjesbesnijdenis in Nederland strafbaar is.

## FSAN oo sameysay Ra'yi aruurin ku saabsan talaalka COVID-19



Dallada FSAN ayaa bishii August waxay sameysay ra'yi uruurin ku saabsan muhiimada talaalka COVID 19 uu u leeyahay caafimaadka iyo bad-qabka qofka.

Qeybta warbaahinta FSAN ayaa wareysiyo kookooban ka qaaday qaar ka mida dhalinyarada Soomaalida ee ku dhaqan dalka Netherlands, iyadoo qof walba la weydiyey aragtida uu talaalka ka qabo.

Ujeedada ra'yi uruuruntan ayaa aheyd sidii dadka Soomaaliyeed loogu baraaruujin lahaa inay qaataan talaalka COVID-19, meeshana looga saaro tuhunka iyo wararka been abuurka ah ee ku saabsan in talaalka uu khatar yahay.

Dhamaan dhalinyardii la wareystay waxay sheegeen inay qaatayn talaalka COVID-19 aysana ku arag wax dhibaato ah. Waxay ku dhiirageliyeen dhalinyarada kale inay qaataan talaalka oo faa'iido u leh naftooda, uuna ka difaacayo halista corona oo aan weli dhamaan.